

# Maman!



Projet promovût di 'Il Friuli' e 'ARLeF'



## LIS AVENTURIS DI VIGJI E LUMI

**MANDI** stelutis!

Anzit, mandi flocuts di nêf!

Vuê o ai zuiât di platâsi!

A matine mi soi sveade, mi soi

sfreolade i vogluts, o soi lade a

controlâ se al ploveve

e... WOW! O ai viodût

dut blanc. Nêf,

nêf, nêf e

ancjemò nêf che

involuçave ogni

robe: lis machinis,

i arbui, i cuvierts,

lis codis dai

ucieluts.

Alore o ai

pensât di lâ

fûr a fâ un

pipinot di

nêf come l'an

passât.

- "Lumi? Lumi? Lumi dulà sêstu?"

e sberlave la mê paronute.

- "O soi ca fûr, dongje de fontane di

aghe glaçadute."

- "No ti viôt, no

sta a contâmi

bausis! Disimi là

che tu sês."

- "Pardabon, o soi

ca, dongje dal

pipinot di nêf!"

No mi viodève parcè

che o soi blancje,

dute blancje

come la nêf!

Mi soi tant

divertide a movimi di

ca e di là cence che

nissun mi viodès

che o soi lade

indenant par dôs

oris.

La mê paronute,

forsit, no à ridût come me.

Po ben, un scherç in di

no i fâs mal a di nissun.

No mo?



Dissen di Serena Debegnach

**ZUIÂ DI  
PLATÂSI**  
ZÛC LÂ CHE SI PLATISI  
PAR NO FÂSI VIODI DI  
CUALCHIDUN



## LU SAVEVISO CHE...?

■ La liende su la storie dal Puint dal Diaul di Cividât e conte che inte Ete a vevin fat un pat propit cul... Diaul, che cun astuzie a rivin a ingjanâ par fâ sù il lôr puint che al pee lis dôs rivis dal flum Nadison.



Imagjin gjavade fûr dal libri "Il Diaul e la gubane" di Chiara Carminati e Pia Valentini, Sinnos, 2014

## > Tant par ridi



INDUVINE INDUVINEL

Al è Invier. O soi devant di un lât glaçât e di une barcje sbusade.

Di chê altre bande de rive al è un cjariesâr e o ai tante gole di lâ a mangjâ une cjariese.

Cemût fasio?

In nissune maniere parcè che lis cjariesis no cressin di Invier.

## ZÛC

Segne la rispueste juste. Dulà ise Daria?



- a Cividât  
 a Palme  
 a San Vît dal Tiliment

Ce forme aial il dolç tipic des Vals dal Nadison, la gubane?

- di gote  
 di cai  
 di stele

Gjale la pontade "Ator pal Friül" dai 25 di Mai dal 2018 su arlef.it par controlâ la rispueste.

Maman! al torne cun gnovis aventuris ogni setemane.

Us dîm apontament su

**telefriuli**

**vinars aes 5.45 sot sere**



Pagjine curade di Daria Miani e dal Sportel Regionâl pe Lenghe Furlane de ARLeF

**ARLeF**  
AGENZIE  
REGIONÂL  
PE LENGHE  
FURLANE

## DISSEN

Mandinus un dissen che al conte di Maman! a [maman@tvstar.com](mailto:maman@tvstar.com)



Il dissen al è di Serena Cignola di Gonârs.